

ANG IMONG UPAT MGA KATUNGOD

PANGLAWAS UG KALUWASAN



UNA

ANG KATUNGOD SA PAGKAHIBALO

Ang mga trabahante adunay katungod nga mahibalo sa mga peligro sa panglawas ug kaluwasan nga naay kalabotan sa ilang trabaho. Legal nga obligasyon sa amo ang pagpahibalo sa mga trabahante sa bisan unsang mga peligro nga ilang masugatan, apil na ang posibilidad nga maexpose sila, ug ang kagrabe sa kadaot kung maexpose sila. Dugang pa niini, ang amo kinahanglan mosiguro nga ang mga trabahante mahibalo kung unsaon pagpanalipod sa ilang kaugalingon kung sila makaatubang og mga peligro nga dili malikayan.

DUHA

ANG KATUNGOD SA PAG-APIL

Ang mga trabahante adunay katungod nga moapil sa paghimo og mga desisyon nga makaapekto sa ilang panglawas ug kaluwasan. Mahimo kini pinaagi sa pagpili sa usa ka health and safety representative sa unyon aron makigsulti sa amo bahin sa mga isyu sa panglawas ug kaluwasan, o pagpili og mga representante sa trabahante sa Health and Safety Committee. Ang katungod sa pag-apil nagpasabot usab nga ang mga trabahante kinahanglan magpahibalo sa bisan unsang peligro nga ilang namatikdan ngadto sa ilang superbisor, health and safety representative, o miyembro sa komite.

TULO

ANG KATUNGOD SA PAGDILI

Ang mga trabahante adunay katungod nga dili mohimo sa trabaho nga ilang gituohan nga delikado, para sa ilang kaugalingon o sa ilang kauban. Bisan pa man lahi-lahi ang mga pamaagi ug kahimtang sa pagdili depende sa probinsya o hurisdiksyon, halos tanan nga mga trabahante adunay legal nga katungod nga moingon og 'dili' sa delikado nga trabaho.

UPAT

ANG KATUNGOD NGA WALA'Y PANGSILOT

Ang tanang hurisdiksyon adunay mga balaod nga nagbawal sa mga amo sa pagpangsilot sa mga trabahante kung sila nagsunod sa mga balaod sa panglawas ug kaluwasan sa trabaho sa maayong tuyo. Apil niini ang pagreport sa mga delikado nga sitwasyon, pag-apil sa komite, ug paggamit sa katungod nga mudili sa delikadong trabaho. Importante kini nga katungod tungod kay ang trabahante nga nahadlok sa silot tungod sa pagpanalipod sa iyang panglawas ug kaluwasan dili kaayo motambong o moapil sa sistema sa amo.

Para sa dugang impormasyon bahin sa imong mga katungod o sa bisan unsang pangutana bahin sa kahimsog ug kaluwasan sa trabaho, palihug kontaka ang imong CUPE Servicing Representative, CUPE National Health and Safety Representative, o bisitaha ang among website sa cupe.ca/health-and-safety



[Cebuano]